

cognomine oriundus, natus ex patre Hebræo, deinde factus Christianus; pluries relapsus in hæresim, a tribunali Inquisitionis damnatus est ad ignem; sed, venia a Pio V impetrata, ad veram fidem rediit et ordinem Prædicatorum professus, Ecclesiam Dei nobiliter illustravit: obiit Genue anno 1569. Scripsit *Bibliothecam sanctam*.

SOARD. — Soardus Victor Amedæus, natione Pedemontanus, e congregatione Sancti Lazari, vita functus est anno 1752. Opus evulgavit *De supræ Romani pontificis et Ecclesiæ Gallicanæ doctrina*.

SOCCIN. — Soccinus Bartholomæus, Italus, patria Senensis, jus docuit in pluribus Italiæ universitatibus, et decessit anno 1507. Sophistica arte scripsit edidit *Consultationes juris*.

SOCCIN. — Soccinus Marianus, professor juris canonici, in eo munere laudem Pii II assecutus est; diem obiit supremum anno 1497. Scripsit *Consilia juris*.

SOCRAT. — Socrates, percelebris philosophus Atheniensis, integritate morum, tranquillitate animi, docendæ juventutis zelo ac demum suæ mortis genere notissimus: obiit anno ante J. C. 399. Exstant *Epistolæ ab Alatio collectæ*.

SOCRAT. — Socrates scholasticus, patria Constantinopolitanus, primum eloquentiæ forensis studium excoluit, deinde historiæ ecclesiasticæ componendæ operam omnino dedit. Vita functus est circa medium quinti sæculi. Scripsit *Historiam ecclesiasticam*.

SOLLIER. — Sollierus Joannes Baptista, Belgæ, Societatis Jesu, unus e collectoribus Actuum sanctorum, obiit anno 1740. Scripsit *Præfationem ad Martyrologium Usuardi*.

SOLORZAN. — Solorzanus (Joannes Pereira de), Hispanus jurisconsultus qui decessit in fine decimi sexti sæculi. Evulgavit *Disputationem de Indiarum jure*.

SOPHOCL. — Sophocles, illustris poeta Græcus, Apis Attica cognominatus, inter celebriores in genere dramático primus recensendus, obiit anno ante J. C. 406. Notæ sunt tragædiæ: *Ajax*, — *Electra*, — *Oedipus*, — *Antigone*, etc.

SORB. — Sorbo (Hieronymus de), Neapolitanus, Minorum minister generalis, vir doctrinæ splendore ac vitæ sanctimonia exornatus, obiit devotissime Neapoli 1612. Typis mandavit *Compendium privilegiorum Fratrum Minorum et aliorum Mendicantium et non Mendicantium reformatum secundum decreta concilii Tridentini et Summorum Pontificum*.

SORC. — Sorge, jurisconsultus, scripsit *De jurisprudentia forensi*.

SOT. — Sotus Dominicus, ordinis Prædicatorum, natione Hispanus, patria Segobiensis, primum theologiam professus est in academia Salmanticensi, ubi totius Hispaniæ homines in admirationem sui convertere cepit; deinde ad nutum Caroli V imperatoris, concilio Tridentino adfuit et ibi vitæ integritate et profunditate doctrinæ se illustrissimum reddidit; Salmanticiæ decessit anno 1590. Edidit: *De natura et gratia tres libros*, — *De justitia et jure*, — *De pauperum cura*, — *Commentaria in libros Sententiarum*.

SOT. — Sotus Petrus, ordinis Prædicatorum, natione Hispanus, Cordubensis patria, Caroli V imperatoris confessor fuit; in hæreticos summa animi præstantia et contentione acuit stylum, eosque maxime Dilingæ et Oxoniæ terruit argumentis; in concilio Tridentino scientiam doctrinamque declaravit, adeo ut princeps theologorum reputaretur; Tridenti ex nimia fatigatione ac studio pene detritus, omnium luctu, interceptus est morte anno 1565. Scripsit: *De institutione sacerdotum*, — *Doctrinæ catholicæ compendium in usum plebis Christianæ*, — *Defensionem catholicæ confessionis*.

SPE. — Spe Franciscus, Germanus, patria Cæsariælanus, philosophiam et moralem theologiam

cum laude explicuit; vir indeßi animi ad salutem mortalium procurandam, qui tanta industria tractabat cum hæreticis ut multos ad fidem revocaverit; laborum mercedem accepit die 7 Augusti anno 1555. Edidit: *Exercitia pia, sive aurea de fide, spe et charitate*, — *Cautionem criminalem sub nomine theologi Romani*.

SPECUL. — Speculator, vide Durantus.

SPELMAN. — Spelmanus Henricus, eques Anglus, antiquitatis investigator qui obiit 1641, ætatis suæ 80, scripsit: *Glossarium archæologicum*, — *Villare Anglicum*, — *Collectionem conciliorum Anglicorum*, — *Vitam Alfredi Magni*.

SPENC. — Spencer Joannes, Anglus theologus, obiit 1693. Typis mandavit: *De legibus Hebræorum ritualibus*, — *De prodigiis et prophetiis vulgaribus*.

SPERELL. — Sperellus Alexander, Italus, episcopus Eugubinus, circa finem decimi septimi sæculi floruit. Opus scripsit cui titulus: *Decisiones fori ecclesiastici*.

SPOND. — Spondanus Henricus, Gallus, ex Calvinista Catholicus, deinde episcopus Fridelacensis, vir scientia linguarum insignis, obiit Tolosæ die 18 Maii anno 1645. Præcipua opera: *Epitome annalium Baronii*, — *Annalium Baronii continuatio*, — *De cæmeteris saecris*.

SPOB. — Sporer Patricius, patria Passaviensis, ordinis Minorum, doctus theologus, claruit circa annum 1720. Scripsit: *Theologiam moralem de Decalogo et de sacramentis*, — *Tyrocinium sacramentale practicum*.

STAM. — Stamm, forte jurisconsultus, qui scripsit *De servitudine personali*.

STAPLET. — Stapletonius Thomas, Anglus theologus, professor regius in universitate Lovaniensi et canonicus Sancti Petri, obiit 1598. Edidit opus cui titulus: *Antidotum apostolicum contra hæreticos*.

STELL. — Stella Didacus, natione Hispanus, theologus, eximius concionator, scriptoribus asceticis minime postponendus, edidit in lucem: *De contemptendis mundi vanitatibus libros tres*, — *Meditationes de amore Dei*, — *De modo concionandi*.

STEPH. — Stephanus a S. Paulo, ordinis Minorum, qui scripsit *Theologiam moralem*.

STEPHAN. GRAT. — Stephanus Gratianus, vide Gratianus.

STILTING. — Stillingus Joannes, natione Belgæ, e Societate Jesu, vir scientia et pietate insignis, unus e collectoribus Actuum sanctorum, vita functus anno 1761, opus eximium concinnavit cui titulus: *Apologia sancti Hieronymi*.

STOZ. — Stozius Matthæus, natione Germanus, Societatis Jesu, per triginta annos philosophiam et theologiam docuit; migravit ad Dominum anno 1678. Præcipuum opus: *Tribunal penitentiale*.

STRAB. — Strabus, vide Walafridus.

STRANCH. — Stranchius Joannes, Germanus, jurisperitus, vita functus anno 1670, scripsit *Dissertationes de annatis*.

STRICH. — Strichius Samuel, Germanus jurisconsultus, consiliarius electoris Brandenburgensis, in universitate Hallensi professor, vita functus anno 1750. Scripsit: *De cautelis contractuum*, — *De successione hæreditatis*, — *De actionibus et præscriptione*.

STRUV. — Struvius Georgius Adamus, jurisconsultus Magdeburgensis, doctus juris professor, consiliarius ducum Saxonie, decessit anno 1592. Multa ejus opera quorum notanda: *Syntagma juris civilis*; — *Syntagma juris feudalis*.

SUAR. — Suarez Franciscus, natione Hispanus, patria Granatensis, Societatis Jesu, primo theologicas scientias docuit Pincie, Salmanticiæ Romæque, deinde a Philippo II primam cathedram Comimbriæ jussus est occupare; quo in munere tanta doctrina et eruditione enituit ut *Doctor eximius* appellaretur; vir insuper gravitate morum, animi submis-

sione atque modestia valde conspicuus; pie migravit ad Dominum anno Christi 1617, ætatis fere 70. Inter ejus opera commemoremus: *Tractatum de legibus*, — *De gratia*, — *De auxiliis et libero arbitrio*, — *De justitia Dei*, — *De incarnatione Verbi*, — *De mysteriis vitæ Christi*, — *Defensionem fidei catholicæ*, etc.

SUET. — Suetonius Tranquillus, Romanus historiographus, primum imperatoris Adriani secretarius, deinde ab hujus principis favore dejectus, consolationem in litteris excolendis exquisivit. Exstat opus majore licentia exaratum *De Vitis duodecim Cæsarum*.

SUID. — Suidas, scriptor Græcus qui floruit decimo sæculo. Indigestam compilationem edidit cui titulus: *Lexicon historicum et geographicum*.

SURENIUS. — Surenhusius Guillelmus, auctor Germanus decimi octavi sæculi, notus tantum editione operis cui titulus: *Mischna, sive totius Hebræorum juris, rituum, antiquitatum ac legum orationum systema, Heb. et Lat. cum comment. Maimonidis*.

SURIUS. — Surius Laurentius, natione Germanus, e congregatione Carthusianorum, vir animi submissione et pietate insignis, diem obiit supremum anno 1578. Multa scripsit quorum notanda: *Collectio conciliorum*, — *Vita sanctorum*, — *Commentaria rerum gestarum in orbe*.

SYLV. — Sylva sacrarum cæremoniæ, vide Buongiovanni.

SYLVEIR. — Sylveira Joannes, natione Hispanus, patria Ulyssiponensis, e nobili familia oriundus, in ordine Minorum suprema munera exercuit; migravit ad Dominum anno 1687, ætatis suæ 82. Elucubravit *Commentaria in Evangelia*.

SYLVEST. — Sylvester Mazzolini de Prierio, natione Pedemontanus, ordinis Prædicatorum, theologus in canonico civilique jure versatus, sacris litteris, omnigena eruditione peritus ac vitæ regularis exactissimus observator; fuit magister sacri Palatii et primus inter omnes qui calanum in impium Lutherum cepit acuire, ejusque statum cum libris, Leone X mandante, Romæ in platea Agonis per carnificem publico igni damnavit; Romæ obiit anno 1525. Scripsit: *Apologiam de conventibus institutorum Romanæ Ecclesiæ*, — *Summam de peccatis a suo nuncupatum nomine Sylvestrinam auream rosam*, — *De observatione morientium*.

SYLVIVS. — Sylvius (Dubois), Franciscus, Belgæ, Duacensis professor et decanus, devote obiit anno 1649. Edidit in lucem: *Commentaria in Summam divi Thomæ*, — *Varias resolutiones casuum*.

SYNCELL. — Syncellus Georgius, Græcus monachus qui octavo sæculo floruit. In lucem edidit opus sub hoc nomine: *Chronographia*.

SYNES. — Synesius, patria Cyrenensis, ex ethnico Christianus, invitatus ad fastigium episcopatus elevatus est, existimans hanc dignitatem suis doctrinis philosophicis parum convenire. Vivebat initio quinti sæculi. Exstant: *Oratio ad Arcadium imperatorem*, — *Epistolæ*, — *Homiliæ*.

T

TABER. — Taberna Joannes Baptista, natione Gallus, e Societate Jesu, vir theologica scientia præclarus, Duaci decessit anno 1686. Edidit eximium opus cui titulus: *Synopsis theologice practicæ*.

TABIA. — Tabia (Joannes Cognatus de), natione Italus, patria Tabiensis, ordinis Prædicatorum, obiit 1525. Scripsit *Summam summarum*.

TABOR. — Tabor Joannes Otho, Germanus jurisconsultus, vir scientia illustris, vita functus est anno 1674. Edidit in lucem: *Filium Ariadneum per sinuos Pandectarum juris anfractus*, — *De intercept. crimin.*, — *De confront. disput.*

TACIT. — Tacitus Caius Cornelius, percelebris

historiographus Latinus, orator eloquentia præclarus, Plinii Junioris amicus; prætor, quæstor et consul successive creatus est; vir fortissimi et profundissimi ingenii ac nervoso stylo commendatus; obiit circa annum 130. Cuique notissima opera: *Annales*, — *Historiæ*, — *Vita Agricole*, — *Mores Germanorum*.

TAMBUR. — Tamburinus Aseanius, natione Italus, Vallisumbrosæ congregationis abbas generalis, diem obiit supremum 1666. Scripsit: *De jure abbatum et abbatissarum*, — *De jure abbatissarum et monialium*.

TAMBUR. — Tamburinus Thomas, Italus theologus, Societatis Jesu, e nobili familia Sicilia oriundus, vita functus est anno 1675. Scripsit: *In Decalogum*, — *De confessione, communionem, sacramentis, contractibus*.

TANGRED. — Tancredus Vincentius, natione Siculus, patria Panormitanus, Societatem Jesu ingressus est; philosophiam et theologiam docuit, et plura moliens litteris consignare, vinculis corporis solutus est Panormi die 29 Octobris 1659. Edidit in lucem: *Questiones morales de matrimonio*, — *De virtute religionis*.

TANN. — Tannerus Adamus, natione Germanus, patria Tyrolensis Oenipontanus, e Societate Jesu, in universitate Pragensi cancellarius; vir fuit ingenii acris et seduli; Latine, Græcæ, et Hebraicæ linguæ peritus; obiit 1652. Multa tum Latine tum Germanice scripsit his titulis: *De verbo Dei scripto et non scripto et de judice controversiarum fidei*, — *Disputationes theologice in Summam divi Thomæ*, — *Apologia pro Societate Jesu*.

TANN. — Tannerus Thomas, Anglicus episcopus, decessit anno 1755. Opera sequentia scientiam et magnam judicium præ se ferunt: *Bibliotheca Britannico-Hibernica*, — *Notitia monastica Anglica*.

TAPP. — Tapperus Rucwardus, Hollandiæ controversista, cancellarius universitatis Lovaniensis, adfuit concilio Tridentino; obiit 1559. Scripsit *Orationes theologicas*.

TAPP. — Tappia Carolus, Italus, jurisperitus, præses consilii regii, e vivis decessit 1644. Edidit: *Commentaria ad Rubr. de constitut. principum*, — *Tractatum de rebus religiosis*, — *Jus regni Neapolitani*.

TARTAG. — Tartagnus Alexander. Vide Imolemsis.

TATAR. — Taretus Petrus, ordinis Minorum, Parisiensis nuncupatus, Scotista subtilissimus, floruit circa annum 1500. In lucem edidit: *Commentaria in libros Sententiarum*, — *Questiones morales*.

TELLEZ. — Tellez Balthasar, natione Hispanus, patria Ulyssiponensis, theologiam scholasticam docuit; vir magnæ pietatis et doctrinæ, migravit ad Dominum 1675. Scripsit: *Summam universæ philosophiæ*, — *Chronicon Societatis Jesu*.

TENCIN. — Tencinus Petrus Guerinus, natione Gallus, sanctæ Ecclesiæ Romanæ cardinalis et archiepiscopus Lugdunensis, publicæ rei administrator, decessit anno 1758. Scripsit *Instructions pastorales*.

TERENT. — Terentius Publius Afer, Romanus poeta percelebris, per quem dulces Latini leporis faciæ nituerunt; secundum opinionem communiorum decessit anno 159. Cognoscuntur ejus *Comædiæ*.

TERTULL. — Tertullianus Quintus Septimius Florens, patria Carthaginiensis, doctor Ecclesiæ vigore eloquentiæ conspicuus, primum ethnicus, deinde ad fidem conversus, in fine vitæ suæ in Montanismum prolapsus est. Inter præclara opera commemorentur sequentia: *Apologética*, — *Adversus Gentiles libriduo*, — *De testimonio animæ*, — *De spectaculis*, — *De idololatria*, — *Adversus Marcionem libri quinque*, etc.

TERTUL. PRÆD. — Tertullianus Prædicans titulus est operis Viviani Michaelis, natione Belgæ, sacra Theologiæ lectoris, qui edidit opus prænotatum.

TERZAG. — Terzagus Nicolaus, natione Italus,

episcopus Narniensis, scripsit *Instructiones practicas in administratione sacramentorum*.

THEODOR. — Theodoretus, patria Antiochenus, Cyri episcopus, sancti Chrysostomi discipulus, multos haereticos ad fidem reduxit: circa annum 456 decessit; vir erat humilitate, animi dulcedine et charitate conspicuus. Edidit multa opera quorum praecipua: *Historia ecclesiastica*, — *Commentaria in Psalmos*, — *De Providentia libri decem*, etc.

THEOPHYL. — Theophylactus, patria Constantinopolitanus, Acridis archiepiscopus, multos ethnicos ad fidem Evangelii adduxit; floruit undecimo saeculo. Scripsit: *Commentaria in Evangelia*, *Actus apostolorum et Prophetas*, — *Institutionem regiam*.

THER. — Therillus Antonius, natione Anglus, patria Dorcestriensis, Florentiae et Parmae theologiam professus est; circa finem decimi septimi saeculi florebat. Edidit in lucem: *Conclusiones philosophicas*, — *Fundamentum totius theologiae moralis*.

THESAUR. — Thesaurus Gomez Emmanuel Patrius, Taurinensis, edidit: *Jus regnandi apostolicum*, — *Philosophiam moralem*, — *Inscriptiones*.

THESAUR. — Thesaurus, Carolus Antonius, natione Italus, Societatis Jesu, jus canonicum et theologiam docuit; vir apprimè religiosus, et in omnibus spectantibus sacrum poenitentiae tribunal exercitissimus; eo munere migravit ad Dominum anno 1655. Scripsit *De poenis ecclesiasticis*.

THEUL. — Theulus de Veltris Bonaventura, Italus, Minoritarum conventualium perpetuus diffinitor, theologiae quae ad mores spectat, intentus, Latine scripsit ac publici juris fecit instructum volumen, cui nomen: *Scotus moralis pro confessariis*.

THIERS. — Thiers Joannes Baptista, natione Gallus, doctor Sorbonicus, vir pugnaci et satyrico ingenio celebris, obiit 1705. Scripsit: *Dissertationes sur les porches des églises*, — *Histoire des perriques*, — *La Sauce-Robert*, — *L'avocat des pauvres*.

THOM. — Thomas a Jesu, Hispanus, ordinis Minorum, ejusdem congregationis diffinitor generalis, pie migravit ad Dominum 1626. Edidit in lucem: *Stimulum missionum*, — *Thesaurum sapientiae divinae ad gentium omnium salutem procurandae*.

THOM. (S.) — S. Thomas, e nobilissimo comitum Aquinatum genere in finibus Campaniae oriundus, vir inter sanctos doctissimus, et inter doctos sanctissimus, theologiae splendor, theologorum parens, ingens virtutis et doctrinae thesaurus, Ecclesiae doctor incomparabilis, cognomento et merito Angelicus, Alberti Magni discipulus, sancti Bonaventurae amicus; honorum fastidio motus, totum se scientiae et pietati tradidit et sancte obdormivit in Domino die 7 Martii anno 1274. Ex ejus praclaris operibus praecipua: *Summa theologiae in quatuor partes divisa*, — *Commentaria in Epist. S. Pauli, in Evang. et prophetas*, — *Catena aurea*, — *Commentaria in octo libros physicorum*, — *Commentaria in libros Sententiarum*, etc., etc.

THOM. (S.) — S. Thomas a Villanova, natione Hispanus, patria Villanovanus, Valentiae episcopus, Caroli V evangelicus divini verbi praeco, in omni genere virtutum sed praesertim erga pauperes misericordia maxime claruit, solutus vinculis corporis ad coetum angelicum migravit anno 1555. Edidit in lucem *Sermones*.

THOMAS. — Thomasinus Ludovicus, Gallus, congregationis Oratorii perecebris theologus, Parisiis in seminario Sancti-Maglorii cum magno plausu theologiam docuit; e vivis decessit anno 1695; vir erat tam scientia quam animi dulcedine et modestia conspicuus. Scripsit: *Dissertationes ad concilia*, — *Dogmata theologica*, — *Discipline ecclesiasticae*.

THOMAS. — Thomasius Jacobus, natione Germanus, e nobili familia Lipsiae oriundus, humaniores litteras et philosophiam professus est; in hac urbe decessit anno 1684. Edidit: *Origines historiae*

philosophicae et ecclesiasticae, — *Dissertationes*.

THOMAS. — Thomasius Christianus, praecedentis filius, Francofurtensis doctor, obiit 1728; vir difficilis et morosi animi, doctrinas insanas de concubinato propagare voluit. Multa ejus opera inter quae: *Introductio ad philosophiam aulæ*, — *Historia sapientiae et amentiae*, — *Fundamenta juris naturalis et gentium*.

THORSPECK. — Thorspecken Josephus Gaspardus, religionis reformatae theologus, scripsit *De litteris canonicis*.

THURMAN. — Thurmannus edidit opus cui titulus: *Collectio scriptorum in duellis*.

TIBURT. NAV. — Tiburtius Navarro, vide Navarro.

TILLEMONT. — Tillemontius Ludovicus Sebastianus, natione Gallus, celeberrimus historiographus, prima scientiae principia didicit in schola vulgo dicta Port-Royal, ubi magno Arnaldo in investigationibus in adjumentum venit. Decessit anno 1698. Eximia edidit opera: *Mémoires pour servir à l'histoire ecclésiastique des six premiers siècles*, — *Histoire des empereurs et des autres princes qui ont régné pendant les six premiers siècles*.

TIRAQUELL. — Tiraquellus Andreas, Gallus, jurisconsultus, consiliarius curiae supremae, ab Henrico II et Francisco I ad componendas res difficiliores saepius adhibitus, obiit 1558. Scripsit: *De privilegiiis pia causa*, — *Tractatum legum matrimonialium*.

TIRIN. — Tirinus Jacobus, natione Belga, patria Antuerpiensis, adscitus in Societatem Jesu, ubi magna virtutis commendatione vixit; multis praecclare perfunctus officiis in eadem Congregatione obiit Antuerpiae anno 1656. Edidit in lucem *Commentaria in totam sacram Scripturam*.

TITELMAN. — Titelmanus Franciscus, Belga, ordinis Minorum, Lovanii theologiam professus est; hic modo alios docens, modo contra haereticos subdolosque scribens, energiae rationum miram immiscuit pietatem; obiit circa annum 1540. Scripsit *Commentaria in Evangelia*, in *Epistolas canonicas*, etc.

TITUS. — Titus Gottlieb Gerardus, Germanus jurisconsultus, obiit 1714. Scripsit *De servitute in faciend. consist.*

TITUS LIV. — Titus Livius, perecebris historiographus Romanus, cujus vita ignota sed opera notissima; decessit anno 17. Abundanti, vario et elegantiori stylo edidit in lucem *Historiam Romanam*.

TOLET. — Toletus Franciscus, sanctae Romanae Ecclesiae cardinalis, natione Hispanus, patria Cordubensis, e Societate Jesu, fuit Pii V praedicator, quo in munere et in pluribus aliis se virum reconditae doctrinae excellentia, ingenii perspicuitate et magnitudine conspicuum exhibuit; obiit Romae anno salutis 1596. Scripsit: *Commentaria in Evang.*, — *Summam Theologiae*, — *Sermones*.

TOLOS. — Tolosanus Petrus Gregorius, jurisperitus, edidit opus cui titulus: *Syntag. juris*.

TOME. — Tome Petrus, ordinis Minorum, Doctor invincibilis cognominatus, scripsit: *Commentaria in quatuor libros Sententiarum*, — *De conceptione B. M. V.*

TOND. — Tondutis (Petrus Franciscus de), edidit *Questiones et resolutiones canonicas et civiles*.

TONEL. — Tonellus Hippolytus scripsit opus cui titulus: *Enchiridion ea, quae ad sacrificium Missae spectant, ob oculos ponens*.

TOREL. — Torelli Laelius, Italus, jurisperitus, cancellarius et secretarius ducis Cosmaei; suprema academiae Florentinae munera gessit, et decessit anno 1576. Opera: *Fasti consulari dell' academia di Firenze*, — *De militis ex casu*, — *Digestorum seu Pandectarum libri quinquaginta*.

TORR. — Torre Christophorus, jurisperitus Italus, cancellarius episcopalis, decessit anno 1586.

Opus ab eo scriptum cui titulus: *Exercitium juris patronatus*.

TOSTAT. — Tostatus, vide Abulensis.

TOURNEL. — Tournely Honoratus, natione Gallus, doctor Sorbonicus, theologiam praecclare professus est; vir ingenii excellentia, facilitate et scientia conspicuus, bullae Unigenitus acerrimus defensor; vita functus est anno 1729. Praecipua ejus opera: *Opera theologica*, — *Continuatio pralectionum theologiarum*.

TOUIT. — Toutteus Antonius Augustinus, Gallus, congregationis Sancti Mauri, scientiae linguarum peritissimus, diem obiit supremum anno 1718. Evulgavit Latine et Graece *Sancti Cyrilli Hierosolymitani opera*.

TRENTACINO. — Trentacinque Alexander, Italus jurisconsultus, floruit decimo septimo saeculo. In lucem edidit: *Practicarum resolutionum juris libros tres*, — *De substitutionibus consiliorum seu responsorum consilium pro civitate Aquilana*.

TREUTL. — Treutler Hieronymus, jurisperitus Germanus qui obiit 1667. Scripsit *Select. disp.*

TRITHEM. — Trithemius Joannes, natione Germanus, ordinis sancti Benedicti abbas, in cognitione linguae Latinae et Graecae versatus, qui e vivis decessit 1516. Multa scripsit opera quorum praecipua: *Catalogus scriptorum ecclesiasticorum*, — *Catalogus hominum illustrium Germaniae*, — *Alius de viris illustribus ordinis Benedictinorum*.

TROMBEL. — Trombelli Joannes Chrysostomus, canonicus regularis Sancti Salvatoris Bononiae, in omni scientiarum genere eruditus, obiit 1784. Scripsit: *De cultu sanctorum dissertationes decem*, — *Tractatum de sacramentis*.

TROTZ. — Trotzius Christianus Henricus, Germanus jurisperitus, decessit 1775. Evulgavit *Adnotationes ad Hugonem Hermannum de origine scribendi prima*.

TROVAMAL. — Trovamala Joannes Baptista, Italus natione, ordinis Minorum, non minus utriusque juris quam theologiae cognitione excultus. Ordine alphabetico scripsit *Summam casuum conscientiae*, quam *Rosellam* vocant.

TRULLENCH. — Trullenchus Joannes Aegidius, doctor theologiae, edidit opus cui titulus: *Praxis sacramentorum*.

TUDERTIN. — Tudertinus Octavius, episcopus Assisensis, scripsit *Introductionem ad lectur. Offic.*

TURREB. — Turreblanca, canonista, edidit opus: *De jure spiritali*.

TURREC. — Turrecremata Joannes, Hispanus, ab oppido natali Troquemada vulgari idiomate nuncupato, ordinis Praedicatorum, sanctae Ecclesiae cardinalis, ab Eugenio IV ad Basileense concilium missus est; vir utique ob probitatem morum et praesertim ob maximum fidei zelum perillustis, obiit anno 1468. Scripsit: *Librum de Christi corpore*, — *De B. M. V. conceptione*, — *De auctoritate Romanae Ecclesiae*, — *In decretum Gratiani libros quinque*.

TURRIAN. — Turrianus Aloysius, natione Hispanus, patria Complutensis, Societatem Jesu ingressus est; in qua theologiam magno omnium plausu docuit. Obiit anno 1655. Edidit in lucem: *Disputationem in secundam secundae D. Thomae De fide, spe, charitate et prudentia*, — *Tractatum de gratia, de justitia*, — *Opuscula theologica*.

TUSC. — Tuscius Dominicus, natione Italus, jurisconsultus, primum rei militari ascriptus, deinde sacerdos factus et sanctae Ecclesiae Romanae cardinalis, migravit ad Dominum anno 1620, aetatis suae 90. Scripsit *Practicas conclusiones juris*.

U

UGHELL. — Ughellus Ferdinandus, Italus, nobili familia oriundus, ordinis Minorum, et congregationis

Indicis consultor, vir scientia et pietate clarus, qui decessit Romae anno 1670. Edidit opus cui titulus: *Italia sacra*.

UGOL. — Ugolinus Bartholomaeus, doctus canonista Italiae, qui obiit 1618. Edidit *Tractatum de sacramentis*.

ULP. — Ulpianus Domitius, Romanus jurisconsultus, imperatoris Alexandri Severi secretarius, deindeque praetorio praefectus in Christianos crudelitatem suam exercuit; a militibus praetorii interfectus interijt anno 226. Exstant *De jure civili fragmenta*, ab Anieno collecta.

URSAY. — Ursaya Dominicus, Romanus jurisconsultus, scripsit: *Disertationes ecclesiasticas*, — *Practicam criminalem*.

UTTEV. — Utevillus Claudius Franciscus, natione Gallus, secretarius cardinalis Dubois, unus e quadraginta Academiae Gallicae, obiit anno 1742. Typis mandavit *Vérité de la religion chrétienne prouvée par les faits*.

V

VALASC. — Valascus Olvarez, natione Hispanus, opus edidit cui titulus: *Consultationes rerum judicialium*.

VALASC. — Valascus Thomas, Hispanus, scripsit *Allegationes super varias materias*.

VALENS. — Valens seu Valente Franciscus, natione Lusitanus, patria Ulyssiponensis, e Societate Jesu, vir zelo magno praeditus Observantiae Regularis. Litteras humaniores et philosophiam docuit, deinde rector fuit collegii Angrensis et Bracharensis. Obiit die 25 Novembris 1662. In lucem edidit *Concordiam juris Pontificii cum Caesareo et cum theologica ratione*.

VALENT. — Valentia (Ferdinandus de), Hispanus jurisconsultus, historiographus Philippi III, obiit Cordubae anno 1620.

VALENT. — Valentia (Gregorius de), natione Hispanus, patria Methymnensis, e Societate Jesu; primum Ingolstadii, deinde Dilingae ac tandem Romae theologiam docuit et adversus haereticos acerrime dimicavit. Neapoli e vivis decessit 25 Aprilis, anno 1605. Clarissima exstant opera, quorum praecipua: *Commentaria in totam Summam divi Thomae*, — *Controversiae diversae fidei*.

VALER. — Valerius seu Valiero Augustinus, natione Italus, sanctae Ecclesiae Romanae cardinalis; primum professor theologiae et juris canonici, deinde Veronensis factus episcopus, multis congregationibus Romae praefuit. Pie in hac urbe decessit anno 1606. Scripsit: *De benedictione agnorum Dei*, — *De rhetorica praedicatoris*, — *De recta philosophandi ratione*, etc.

VALER. — Valerius Joannes, Carthusianus, scripsit opus cui titulus: *Differentia inter forum conscientiae et judiciale*.

VALLEN. — Vallensis vel de Vaulx Andreas, natione Belga, Lovaniensis professor, obiit 26 Decembris 1656. Opus vulgavit: *De beneficiis et De Decretalium explicationibus*.

VALSEC. — Valsecchius Antonius, ordinis Praedicatorum presbyter, Veronae in Italia natus, orator egregius, perecebris professor theologiae, Paduae migravit ad Dominum anno 1791. Praecipua opera: *Fundamenta religionis*, — *Veritates Ecclesiae catholicae*.

VAN-ESP. — Van-Espen Zegerus Bernardus, patria Lovaniensis, juris canonici peritissimus, schismatico archiepiscopo Ultrajectensi aliquando adhaesit; vita functus est anno 1728. Edidit praclarissimum opus cui titulus: *Jus ecclesiasticum universum*.

VARR. — Varro vel de Uvarra Guillelmus, natione Anglus, professione Minorita, Oxoniae primum, deinde Parisiis scholasticae theologiae subtilissimus pro-

fessor, Scoti præceptor. Claruit circa annum 1290, sui ingenii monumenta relinquens : *Commentaria in libros Sententiarum*, — *In Aristotelem*, — *Quodlibeticas questiones*.

VARR. — Varro Marcus Terentius, doctissimus Romanorum appellatus propter eminentem scientiam, vir acutissimi ingenii, Pompeii legatus et a Cæsare proscriptus. Ex innumeris operibus pervenit ad nos : *Tractatus de lingua Latina*. — *Alius tractatus De re rustica*.

VASO. — Vasquez Gabriel, natione Hispanus, patria Bellomontanus, e Societate Jesu, presbyter magni ingenii et ideo Augustinus Hispaniæ appellatus, Romæ theologiam professus est; decessit anno 1604, relinquens : *Commentaria in Summam S. Thomæ*, — *Quæstiones de Deo et de prædestinatione*, — *Opuscula moralia*, etc.

VEG. — Vega Andreas, natione Hispanus, ordinis Prædicatorum, theologus scholasticus, decessit anno 1570. Scripsit : *De justificatione*, — *De gratia*, — *De fide, operibus et meritis*.

VEITH. — Veith Laurentius Franciscus Xaverius, natione Germanus, e nobili familia oriundus, Societatis Jesu, doctor theologiæ et Scripturæ sacræ professor; obiit anno 1796. Scripsit : *De primatu et infallibilitate Romani Pontificis*, — *De gemina delectatione cælesti ac terrena relative victrice*, — *Polizia della Chiesa*.

VENTRIG. — Ventriglia Joannes Baptista, natione Italus, Casertanus episcopus. Edidit opus cui titulus : *Praxis rerum notabilium, præsertim fori ecclesiastici*.

VERT. — Vertus Claudius, patria Parisiensis, ordinis Cluniacensis monachus, eruditione clarus et Abbatiss Villæ prior. Vita functus est anno 1708. In lucem edidit : *Traduction de la règle de S. Benoît*, — *Explication simple, littérale et historique des cérémonies de l'Eglise*.

VESTRIS. — Vestrius Octavianus, natione Italus, celebris jurisperitus xvi sæculi. Exstant : *Introductiones in Romanæ aulæ actionem*, — *Practica in Romanæ aulæ actionem*.

VICAT. — Vicatus Philippus, natione Germanus, juris professor Lausonii, obiit 1770. Edidit multa opera quorum præcipuum : *Vocabularia utriusque juris*.

VICEC. — Vicecomes seu Visconti Josephus, Italus, bibliothecæ Ambrosianæ collector adhibitus a Frederico Borromæo cardinali, vita functus est anno 1626. In lucem edidit *Observationes ecclesiasticas de ritibus rerum sacrarum*.

VICTORELL. — Victorellus Andreas, Bassanensis theologiæ doctor, xvii sæculo florebat. Scripsit opus : *De origine et clausura monialium*.

VICTORIA. — Victoria (Franciscus de), natione Hispanus, ordinis Prædicatorum, theologus adeo excellens ut *lumen Hispaniæ* appellatus fuerit; obiit Salmantice anno 1546. Edidit in lucem : *Commentaria in universam Summam divi Thomæ*, — *Prælectiones tredecim de bello, homicidio, etc.*

VEL. — Vielmus Hieronymus, ordinis Prædicatorum, civitatis Novæ episcopus, Venetiis nobili familia natus, vir doctrina et multiplici scientia illustris, theologiam in universitate Patavina docuit; transit ad superos anno 1582. Scripsit : *De episcopis titularibus*, — *Elucubrationes de residentia episcoporum*.

VIEXMONT. — Viexmontius Claudius, patria Parisiensis, evulgavit opus cui titulus : *Salutaris penitentia peccatoris*.

VIGER. — Vigerius Joannes, natione Italus, ordinis Minorum, post officium magistri generalis conventualium factus episcopus Chiensis, florebat circa annum 1535. Edidit : *Commentaria in lib. Sententiarum*, — *Lecturam in librum Scoti*.

VIGL. — Viglius de Zuicem d'Ayla, præclarus jurisconsultus Hollandiæ, consiliarius privatus Ca-

roli V et Hollandiæ præfectus, diem obiit supremum anno 1577. Scripsit *Notas de testamentorum titulo*.

VIGN. — Vignerius Joannes, natione Hispanus, in academia Tolosana professor, vir philosophica et theologica scientia præclarus, xvi sæculo florebat. Evulgavit *Institutiones ad scholasticam theologiam*.

VILLAL. — Villalobas (Henricus de), Hispanus, presbyter ordinis Prædicatorum, juris canonici peritus, per annos triginta doctissime theologiam professus est; obiit 1623. Opus scripsit cui titulus : *Theologia scholastica et moralis*.

VILLAN. — Villanus Joannes, Florentinus historiographus celebris, obiit 1548. *Historiam* composuit. VINCENT. — Vincentius Bellovacensis, ordinis Prædicatorum, S. Ludovici regis Francorum lector, ejusque filiorum præceptor, decessit 1264. Scripsit *Speculum majus*.

VINCENT. — Vincentius Ferrerius (S.), Hispanus, ordinis S. Dominici presbyter, Hispaniam, Galliam, Italiam et Germaniam prædicando peragravit; curam maximam adhibuit tempore schismatis, ut unitas in Ecclesia reduceretur. Obit in odore sanctitatis 1419. Multa ex eo opera : *Tractatus vite spiritualis*, — *Tractatus finis mundi*, etc.

VINIT. — Vinitor Gerlacus, vicarius ad S. Ursulam Coloniae, scripsit : *Compendium de sacramentis*, — *Compendium sacrorum rituum et caeremoniarum*.

VINN. — Vinnius Arnoldus, in Hollandia natus, jurisconsultus, obiit 1637, opus relinquens cui titulus : *Institutionum imperialium commentarius*.

VIRG. — Virgilius Maro, Andibus Mantuæ natus, Latinorum poetarum princeps, ingenio et elegantiori stylo perecebris; quem favore prosecuti sunt Mæcenas et Augustus Cæsar imperator; obiit anno 19. Cognoscuntur opera : *Bucolica*, *Georgica* et *Æneis*.

VITAL. — Vitalinus Bonifacius, Italus jurisperitus, in universitate Avenionensi professor, a Clemente Papa VI sacri palatii auditor nominatus; decessit anno 1389. In lucem edidit opus cui titulus : *De maleficiis*, — *Commentaria in constitutiones Clementis VI*.

VIV. — Viva Dominicus, natione Italus, e Societate Jesu, perecebris theologus, quem magno in pretio habebat Papa Benedictus XIV; Neapoli decessit anno 1726. Opera evulgavit quibus tituli : *Cursus theologicus scholasticus*, — *Theses damnatæ ab Alexandro VII, Innocentio XI et Alexandro VIII*, — *De Jubilæo*.

VIV. — Vives Joannes Ludovicus, natione Hispanus, scientia clarus, primum litterarum humaniorum professor in urbe Lovanii, deinde Mariæ Anglorum reginæ præceptor; obiit 1540. Edidit : *Commentaria De civitate Dei*, — *Tractat. De religione*.

VIV. — Vives Franciscus, Hispanus, edidit opus cui titulus : *Sylva communium opinionum*.

VIVIA. — Vivianus Julianus, Italus jurisconsultus, juris canonici professor, Consentinus archiepiscopus, e vivis decessit 1641. Typis mandavit *Praxim juris patronatus acquirendi*.

VOET. — Voetius Joannes, in Hollandia natus, Lugduni Batavorum juris professor, vita functus est anno 1714, opus eximium relinquens cui titulus : *Commentaria ad Pandectas*.

VOET. — Voetius Paulus, pater præcedentis, Ultrajecti juris professor, obiit anno 1667. Scripsit : *De duellis licitis et illicitis*, — *De usu juris civilis et canonici in Belgio unito*, — *De jure militari*.

VOLPIL. — Volpiliere (Philippus de), natione Gallus, theologiæ doctor, celebris orator; decessit initio decimi octavi sæculi. Præcipua opera : *Sermons*, — *Discours synodaux*, — *Théologie morale*, — *La vie réglée dans le monde*.

VOPISC. — Vopiscus Flavius, patria Syracusanus, historiæ Latinæ scriptor, tempore Diocletiani imperatoris vivebat. Composuit : *Historiam Aureliani, Taciti, Floriani, Probi, Firmi, Cari*, etc.

Voss. — Vossius Gerardus Joannes, natione Germanus, vir ingenio et eloquentia maxime pollens, præclarus philologus et professor historiæ in universitate Amstelodami; decessit anno 1649. Scripsit : *De origine idololatriæ*, — *De historicis Latinis*, — *De institutionibus rhetoricis, grammaticis et poeticis*.

VULP. — Vulpe Marcellus edidit opus cui titulus : *Praxis judic. fori ecclesiastici*.

W

WADING. — Wadingus Lucas, ordinis Minorum Hibernus monachus, patria Waterfortensis, vir religiosissima pietate ac doctrina conspicuus, in tribunali Romanæ Inquisitionis censor ac in sacris Congregationibus consultor; obiit 17 Novembris anno 1657. Opera : *Annales Minorum cum indice et continuatione*, — *Commentaria ascetica*, — *Commentaria in Evang.*

WADING. — Wadingus Petrus, natione Hibernus, Societatis Jesu, in omni scientiarum genere præstans, docuit theologiam partim Lovanii, partim Pragæ, deinde fuit cancellarius in universitatibus Pragensi et Græcensi. Migravit ad Dominum die 13 Septembris 1644. Typis mandavit : *Tractatum contra hæreticos*, — *Tractatum de contractibus in genere et in specie*.

WAGNER. — Wagnerech Henricus, natione Germanus, patria Monacensis, Societatem Jesu ingressus est; philosophiam et theologiam in academia Dilingana docuit, munusque cancellarii in eadem exercuit. Dilingæ migravit ad Dominum die 11 Novembris, anno 1664. Edidit : *Tractatum de creatione*, — *Commentaria exegetica in Decretales*, — *Vindicias politicas adversus pseudopoliticis*.

WALAF. — Walafrius Strabo vel Strabus, natione Germanus, primum Fuldæ sacris litteris institutus, sub disciplina Rabani Mauri magistri sui, deinde S. Galli abbas in diocesi Constantiensi, floruit scientia et pietate. Obit circa annum 849. Scripsit : *De Officiis divinis, seu de exordiis et incrementis rerum ecclesiasticarum*, — *Commentaria in sacram Scripturam*.

WALCH. — Walchius Joannes Georgius, Germanus philologus, et religionis reformatæ theologus, lætæ theologiam docuit et in eadem urbe decessit anno 1775. Præcipua ejus opera : *Dictionarius philosophicus*, — *Introductio in libros ecclesiæ Lutherane*, — *Introductio in scientias theologicas*, — *Historia ecclesiastica Novi Testamenti*, etc.

WALD. — Waldensis vel de Walden vel melius Netter Thomas, natione Anglus, ordinis Minorum, concilio Pisæ adfuit anno 1409, deinde concilio Constantiensi 1415. Legationem gessit ad Wladislaum regem Poloniae, et Vitolfum duces Lithuanie ad fidem convertit. Obit die 3 Novembris 1450. Exstat opus : *Doctrinale antiquitatum fidei ecclesiasticæ*.

WAM. — Wamesius Joannes, natione Belga, jurisconsultus, Lovanii jus docuit, et vita functus est anno 1590. Edidit opus cui titulus : *Consiliorum juris centuriæ sex*.

WART. — Warton seu Wharton Henricus, natione Anglus, Ministerii parochus, obiit anno 1694. Multas investigationes adhibuit in componendis operibus sequentibus : *Anglia sacra*, — *Historia de episcopis et decanis Londinensibus et Assaviensibus*.

WASSEN. — Wassenar Gerardus, Ultrajecti in Hollandia natus, ibidem decessit 1664, utile opus relinquens : *Practicum judiciale*.

WEISTN. — Weistner Jacobus, Societatis Jesu, scripsit *Institutiones canonicas*.

WELS. — Welser seu Velsar Marcus, natione Germanus, historicus, philologus et rerum publicarum gerendarum vir peritus, obiit circa annum 1614. Composuit : *Rerum Boicarum libros quinque*, — *Rerum*

Augustanarum Vindelicarum lib. septem, — *Fragmenta tabulæ antiquæ*.

WERB. — Werber, forte Wernher, Germanus jurisconsultus, obiit anno 1742. Opus evulgavit cui titulus : *Selectæ observationes forenses*.

WESEL. — Wesel Arnoldus, natione Germanus, in scientia linguæ Latinæ, Græcæ et Hebraicæ maxime versatus; obiit 1554. Reddidit Latine *Procopii orationes de Justiniani Augusti edificiis*.

WHIST. — Whistonus Guillelmus, natione Anglus, primum tanta philosophiæ et theologiæ scientia emicuit, ut loco Newtoni in universitate Cantabrigiensi professor nominaretur. Sed mox debili judicio illusus, innumeros errores non solum de physica docuit, verum etiam de dogmate sanctæ Trinitatis, de æternitate penarum, adeo ut ex Universitate expulsus fuerit et condemnatus. Decessit in magna paupertate anno 1752. Præcipua opera : *Epistole astronomicæ*, — *Lectiones physico-mathematicæ*, — *Concordantia quatuor Evangeliorum*.

WHITB. — Whitbius Daniel, natione Anglus, doctor theologiæ et rector Sancti Edmundi Salisburiensis, magno odio prosequutus est Ecclesiam catholicam nec non Socinianorum sectam; in senectute Arianaum errorem obstinato animo defendit. Obit anno 1726, relinquens : *Tractatum de certitudine religionis Christianæ in genere et de resurrectione J. C. in specie*, — *Paraphrases et commentaria de Novo Testamento*, — *Examen variantium Joannis Millii in Novum Testamentum*, — *De sanctarum Scripturarum interpretatione secundum Patrum commentarios*.

WIGG. — Wiggers Joannes, Lovaniensis doctor, collegii Leodici rector, vir clarus pietate et scientia, decessit e vivis anno 1659. — *Commentaria in Summam S. Thomæ*.

WILLENB. — Willenberg Fredericus Samuel, natione Germanus, jurisconsultus, vita functus 1748, scripsit *Dissertationes de decanis*.

WINSLOW. — Winslow Eduardus, natione Anglus, præfectus colonie Plymuthensis in America orientali, obiit anno 1655, opus relinquens cui titulus : *Bona nuntia novæ Angliæ*.

WION. — Wion Arnoldus, natione Belga, patria Duacensis, e congregatione Casinensi monachus, propter bellum civile perrexit in Italiam, ubi opera absurdis repleta composuit. *Genealogiam familiæ Anticiorum*, — *Lignum vitæ*.

WISEMB. — Wisembach, Germanus jurisconsultus, *De Pandectis* scripsit.

WITAS. — Witassius Carolus, natione Gallus, doctor Sorbonicus et professor regius theologiæ, bullam *Unigenitus* recipere recusavit et ideo in exilium missus est. Doctor ille præclarus scientia, nitido stylo composuit : *Lettres sur la Pâque*, — *Tractatus de Pœnitentia, Ordine, Eucharistia, Trinitate et Incarnatione*.

WOLFF. — Wolfius (Joannes Christianus de), Germanus, perecebris philosophus, primum Lipsiæ cum tanto plausu philosophiam docuit ut plurimæ universitates illius possidendi honorem contenderint. In academia Halensi, ubi erat professor, mox suspectus de opinionibus et ideo expulsus, sed postea honorifice revocatus, primum universitatis munus adeptus est. Reges Sueciæ et Prussiæ et princeps elector Boariæ illum inter amicos numerabant et summis dignitatibus cumularunt; in splendore gloriæ suæ decessit anno 1754. Multa edidit quorum præcipua : *Philosophia rationalis seu Logica*, — *Physica*, — *Philosophia moralis*, — *Jus naturæ*, — *Jus gentium*, — *Horæ subsecivæ Marburgenses*.

WURDTW. — Wurdwein Stephanus Alexander, natione Germanus, episcopus suffraganeus electoris Moguntini, vita functus anno 1796, scripsit : *Concilia Moguntina*, — *Subsidia diplomatica*, —